

Հաստատված է 5 օրինակ
օրինակ 4

Հաստատված

Գրանցված է

Հայաստանի Հանրապետության

Հայաստանի Հանրապետության

Վայոց Ձորի Մարզպետի

Իրավաբանական անձանց պետական

2003թ. «17» 01 նո-8 որոշմամբ

նեգիստրի-----տարածքային բաժնում
65.010.00439

Վայոց Ձորի Մարզպետ

Գրանցման թիվ-----«12» 02-----2003թ.

 Վ. ՍԱՐԳՍՅԱՆ

Վկայական 034 - 055981

Պետական նեգիստրի Եղեգնաձորի

տարածքային բաժնի պետ



«-----»-----2003թ.

«ԵՂԵԳՆԱՁՈՐԻ ՄՇԱԿՈՒՅԹԻ ԿԵՆՏՐՈՆ»
ՊԵՏԱԿԱՆ ՈՉ ԱՌՆՏՐԱՅԻՆ ԿԱԶՄԱԿԵՐՊՈՒԹՅԱՆ

Կ Ա Ն Ո Ն Ա Դ Ր ՈՒ Թ Յ ՈՒ Ն

Ք. Եղեգնաձոր 2003թ.

1. ԸՆԴՀԱՆՈՒՐ ԴՐՈՒՅԹՆԵՐ

1. «Եղեգնաձորի Մշակույթի Կենտրոն» պետական ոչ առևտրային կազմակերպությունը (այսուհետ կազմակերպություն), շահույթ ստանալու նպատակ չհետապնդող, իրավաբանական անձի կարգավիճակ ունեցող, ոչ առևտրային կազմակերպություն է, որն ստեղծվել է մշակույթային աչժեքների և առարկաների (օբյեկտների) պահպանման, ստեղծման, տարածման ու մեկնաբանման, մշակույթային բարիքների, ծառայությունների մատուցման և արտադրանքի (ապրանքների) իրականացման գործունեություն իրականացնելու նպատակով:

Կազմակերպությունը հանդիսանում է «Վայոց Ձոր մարզի մարզային մշակույթի տուն» պետական հիմնարկի իրավահաջորդը:
Կազմակերպությունը ստեղծված է համարվում նրա օրենքով սահմանված կարգով պետական գրանցման պահից:

2. Կազմակերպության գործունեությունը կարգավորվում է Հայաստանի Հանրապետության քաղաքացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով, Հայաստանի Հանրապետության այլ իրավական ակտերով, Հայաստանի Հանրապետության միջազգային պայմանագրերով և սույն կանոնադրությամբ:

3. Կազմակերպությունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով:
Կազմակերպությունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

4. Կազմակերպությունը այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

5. Կազմակերպությունը ունի ՀՀ զինանշանի պատկերով և իր հայերեն անվամբ կլոր կնիք: Կարող է ունենալ ձևաթղթեր, խորհրդանիշ:

6. Կազմակերպությունը ունի ինքնուրույն հաշվեկշիռ, հաշվարկային հաշիվ բանկերում Հայաստանի Հանրապետության արժույթով և արտարժույթով:

7. Կազմակերպությունը իր պարտավորությունների համար պատասխանատու է իրեն պատկանող գույքով:

Հիմնադիրը պատասխանատվություն չի կրում կազմակերպության պարտավորությունների, իսկ կազմակերպությունը հիմնադրի պարտավորությունների համար:

Հիմնադիրը պատասխանատվություն է կրում մինչև կազմակերպության պետական գրանցումը ծագած կազմակերպության գործունեության հետ կապված պարտավորությունների համար:

8. Կազմակերպության անվանումն է
Հայերեն լրիվ՝ «Եղեգնաձորի Մշակույթի Կենտրոն» պետական ոչ առևտրային կազմակերպություն
կրճատ՝ «Եղեգնաձորի Մշակույթի Կենտրոն» Հապավումը՝ ԵՄԿ

ը) Վճարովի կամ անվճար սկզբունքով հավաքագրում և ստեղծում է տարբեր մասնագիտությունների ուսուցման խմբեր, խմբակներ, միավորումներ, ստուդիաներ և այլ միավորներ, տարբեր տիպի կադրերի պատրաստման և վերապատրաստման դասընթացներ:

Ուսուցողական խմբերը համալրելու ընթացքում կարող է կատարել ընունելություն և ավարտական քննություններ, տալ ավարտական դիպլոմներ, վկայականներ իր կողմից տնօրինելով ուսման վարձերի չափերը պարբերականությունները:

թ) Համագործակցում է Հայաստանի Հանրապետության և արտերկրի մշակույթային, հասարակական և այլ կազմակերպությունների հետ. համատեղ ծրագրերի իրականացման նպատակով տալիս և ստանում միջոցառումների մասնակցության հրավերներ:

ժ) Հիմնում է ժամանցի կազմակերպման և ըստ նախասիրությունների ակունքներ սիրողական միավորումներ:

12. Կազմակերպությունը իրականացնում է ձեռնարկատիրական գործունեության հետևյալ տեսակները.

ա) Դահլիճների վարձակալություն

բ) Սարքավորումների վարձակալություն:

13. Կազմակերպության գործունեության ընթացքում առաջացած շահույթն օգտագործվում է սույն կանոնադրությամբ նախատեսված նպատակների իրականացման համար: Կազմակերպության շահույթի օգտագործման կարգը սահմանում է հիմնադիրը:

14. Պետական բյուջեով կազմակերպության համար ուղղակի նախատեսված միջոցների սահմաններում կազմակերպության կողմից պետությունը մատուցվող ծառայությունների աշխատանքների և ապրանքների գնումն իրականացնում է մեկ աղբյուրից գնումների կատարման ձևով: Կազմակերպության կողմից պետությունը այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գնումների Մասին» ՀՀ օրենքով նախատեսված կարգով: Կազմակերպությունը հարկերը, տուրքերը և պարտադիր այլ վճարները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

III. Կազմակերպության սեփականությունը

15. Կազմակերպության սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև կազմակերպության գործունեության ընթացքում արտադրված ու ձեռք բերված գույքից:

Կազմակերպության գույքի ձևավորման աղբյուր կարող են հանդիսանալ նաև Հայաստանի Հանրապետության և օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում բարեգործական, հովանավորչական, նպատակային նվիրատվություններն ու հատկացումները:

16. Կազմակերպությունը իրավունք ունի օրենքին, հիմնադրի որոշումներին և սույն կանոնադրությանը համապատասխան իր հայեցողությամբ տիրապետել, տնօրինել և օգտագործել սեփականության իրավունքով իրեն պատկանող գույքը:

17. Կազմակերպության սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ կազմակերպության լուծարումից հետո մնացած գույքի:

18. Կազմակերպության սեփականության պահպանման հոգսը կրում է կազմակերպությունը:

19. Կազմակերպության սեփականության վրա կարող է բռնագանձում տարածվել միայն դատական կարգով:

20. Կազմակերպության ֆինանսական հաշվետվությունների արժանահավատությունը ենթակա է վերստուգման (աուդիտի) լիազորված պետական մարմնի կողմից ընտրված աուդիտորական կազմակերպության կամ Հայաստանի Հանրապետության ֆինանսների և էկոնոմիկայի նախարարության ֆինանսական վերահսկողության ստորաբաժանման կողմից:

IV Կազմակերպությանն ամրացված գույքը

21. Հիմնադրի որոշմամբ կազմակերպությանն անժամկետ ու անհատույց օգտագործման իրավունքով ամրացվում է ցանկացած գույք:

22. Հիմնդիրը իրավունք ունի հետ վերցնել իր կողմից կազմակերպությանը ամրացված գույքը:

23. Կազմակերպությունը իրավունք չունի ամրացված գույքը կամ դրա նկատմամբ իր իրավունքները օտարել, գրավ դնել, հանձնել անհատույց օգտագործման:

24. Կազմակերպությունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի օգտագործման արդյունքում կազմակերպության ստացած եկամուտները կազմակերպության սեփականությունն են:

Կազմակերպությանն ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:

25. Հիմնադրի կողմից կազմակերպությանն ամրացված անշարժ գույքի կամ պետական պարտադիր գրանցման ենթակա գույքի նկատմամբ կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:

26. Հիմնադիրը, հիմնադրի կողմից նախատեսված դեպքում իրավունք ունի ստուգելու կազմակերպությանն ամրացված ակունբային գույքը, սարքավորումները, գործիքները:

V. Կազմակերպության կառավարումը

28. Կազմակերպության կառավարումն իրականացնում են հիմնադրի կողմից լիազորված պետական մարմինը և գործադիր մարմինը տնօրենը:

29. Կազմակերպության ընդհանուր կառավարումն իրականացնում է հիմնադրի կողմից լիազորված պետական մարմինը:

30. Լիազորված պետական մարմինը՝

ա) ապահովում է կազմակերպության բնականոն գործունեությունը և պատասխանատվություն է կրում դրա չկատարման կամ ոչ պատշաճ իրականացման համար.

բ) սույն կանոնադրությամբ սահմանված կարգով պաշտոնի է նշանակում և պաշտոնից ազատում է կազմակերպության տնօրենին:

գ) հաստատում է կազմակերպության տարեկան հաշվետվությունները և տարեկան հաշվեկշռի նախահաշիվը.

դ) իրականացնում է կազմակերպության գործունեության վերահսկողությունը.

ե) կասեցնում է կամ ուժը կորցրած է ճանաչում կազմակերպության տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները.

զ) լսում է կազմակերպության գործունեության մասին հաշվետվություններ, քննում է դրա գործունեության վերստուգման արդյունքները.

է) հաստատում է կազմակերպությանը սեփականության իրավունքով հանձնվող և (կամ) ամրացվող պետությանը պատկանող գույքի կազմը.

ը) վերահսկողություն է իրականացնում կազմակերպությանն ամրացված պետական սեփականության օգտագործման և պահպանության նկատմամբ.

թ) վերահսկողություն է իրականացնում կազմակերպության սեփականության պահպանման նկատմամբ, իսկ օրենքով, հիմնադրի որոշմամբ կամ սույն կանոնադրությամբ նախատեսված դեպքերում համաձայնություն է տալիս կազմակերպության գույքի օտարման կամ վարձակալության հանձնման համար.

ժ) հաստատում է կազմակերպության տարեկան հաշվետվություններն ու տարեկան հաշվեկշիռը.

ժա) իրականացնում է «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

31. Կազմակերպության ընթացիկ գործունեության ղեկավարումն իրականացնում է տնօրենը, որին նշանակում և ազատում է հիմնադրի կողմից լիազորված պետական մարմնի ղեկավարը:

32. Կազմակերպության տնօրենին պաշտոնի նշանակելն ու պաշտոնից ազատելը կարգավորվում է «Պետական ոչ առևտրային կազմակերպությունների մասին» Հայաստանի Հանրապետության օրենքով:

Կազմակերպության տնօրենի հետ կնքվում է պայմանագիր, որը հիմնադրի անունից ստորագրում է լիազորված պետական մարմնի ղեկավարը: Պայմանագրով սահմանվում են կազմակերպության տնօրենի իրավունքները, պարտականությունները և փոխհարաբերությունները

լիազորված պետական մարմնի հետ. նրա աշխատանքի վարձատրման պայմանները, պայմանագրի դադարման «Պետական ոչ առևտրային կազմակերպության մասին» Հայաստանի Հանրապետության օրենքով նախատեսված բոլոր հիմքերը և այլ դրույթները, որոնք պայմանավորվող կողմերը անհրաժեշտ կգտնեն:

Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին, բացառությամբ օրենքով նախատեսված դեպքերի:

33. Կազմակերպության տնօրենը օրենքով, հիմնադրի և լիազորված պետական մարմնի որոշումներով, սույն կանոնադրությամբ իրեն վերապահված լիազորությունների սահմաններում ղեկավարում է կազմակերպության գործունեությունը և կրում է պատասխանատվություն օրենքների իրավական այլ ակտերի, հիմնադրի կամ նրա կողմից լիազորված պետական մարմնի որոշումների, սույն կանոնադրության և կնքված պայմանագրերի պահանջների չկատարելու կամ ոչ պատշաճ կատարելու համար:

34. Կազմակերպության տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստղծագործական աշխատանքից:

35. Կազմակերպության տնօրենը լրիվ գույքային պատասխանատվություն է կրում իր մեղքով կազմակերպությանը և (կամ) պետությանը պատճառված վնասի համար: Նրա լիազորությունների դադարեցումը հիմք չէ պատճառված վնասը հատուցելու, պատասխանատվությունները չկատարելու համար:

36. Կազմակերպության տնօրենը՝

ա) առանց լիազորագրի հանդես է գալիս կազմակերպության անունից, ներկայացնում է նրա շահերը և կնքում գործարքները.

բ) Հայաստանի Հանրապետության օրենսդրությամբ, հիմնադրի և լիազորված պետական մարմնի արաշումներով և սույն կանոնադրությամբ սահմանված կարգով տնօրինում է կազմակերպության գույքը, այդ թվում՝ ֆինանսական միջոցները.

գ) տալիս է կազմակերպության անունից հանդես գալու լիազորագրերը, այդ թվում՝ վերալիազորման իրավունքով լիազորագրեր.

դ) աշխատանքի է նշանակում և աշխատանքից ազատում կազմակերպության աշխատողներին, նրանց նկատմամբ կիրառում է խրախուսման միջոցներ և նշանակում կարգապահական տույժեր.

ե) բանկերում բացում է հաշվարկային հաշիվներ.

զ) սահմանում է կազմակերպության կառուցվածքը ու կառուցվածքային ստորաբաժանումների իրավասությունը.

է) սահմանված լիազորված պետական մարմին է ներկայացնում կազմակերպության տարեկան ծախսերի նախահաշիվը.

ը) օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում է դրանց կատարումը.

ժ) կազմում է կազմակերպությանը անժամկետ ու անհատույց օգտագործման իրավունքով ամրացված շենքերի նախագծային, շինարարական վերանորոգման և այլ աշխատանքներ.

ժա) ստուգում է ֆինանսական փաստաթղթեր.

ժբ) իրականացնում է ֆինանսական և արտադրական գործունեությանը վերաբերվող այլ խնդիրներ.

ժգ) հաստատում է կազմակերպության հաստիքացուցակը և ֆինանսական արտադրական գործունեության ծրագիրը.

ժե) լիազորված պետական մարմնի հաստատմանն է ներկայացնում կազմակերպության կառուցվածքը, աշխատողների թիվը, հաստատում է կազմակերպության ըդհանուր և առանձին կառուցվածքային ստորաբաժանումների կանոնակարգը, ներքին կարգապահական և այլ կանոններ.

ժզ) լուծում է կազմակերպությանը սեփականության իրավունքով պատկանող գույքը իրավաբանական և ֆիզիկական անձանց վարձակալության հանձնելու հարցերը.

ժէ) իրականացնում է Հայաստանի Հանրապետության օրենսդրությունը չհակասող այլ լիազորություններ.

37. Կազմակերպության տնօրենը պարտավոր է չկատարի հիմնադրի և լիազորված պետական մարմնի Հայաստանի Հանրապետության օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

38. Կազմակերպության տնօրենի բացակայության դեպքում լիազորված պետական մարմնի որոշմամբ տնօրենի լիազորություններն իրականացնում է կազմակերպության այլ անձ:

39. Կազմակերպության աշխատողների իրավունքները ու պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ, աշխատանքային պայմանագրով, կազմակերպության առանձին ստորաբաժանումների ու աշխատանքային ներքին կանոնակարգերով և այլ իրավական ակտերով:

40. Կազմակերպության գործունեության հիմնական հարցերի քննարկման, մասնագիտական և կազմակերպական աշխատանքների արդյունավետ իրականացման նպատակով տնօրենին առընթեր ստեղծվում են խորհրդակցական մարմիններ:

ա) Գեղարվեստական խորհուրդ,

բ) Մշակութային գույքի (սարքավորումներ, բենական հագուստ) խոտանման մասնագիտական հանձնաժողով.

Կազմակերպության խորհրդակցական մարմիններն իրենց գործառույթներն իրականացնում են առանձին կանոնակարգերով :

Կազմակերպության խորհրդակցական մարմինների կազմում կարող են ընդգրկվել կազմակերպության մասնագետներ, այլ կազմակերպությունների ներկայացուցիչներ:

Կազմակերպության խորհրդակցական մարմինների կազմը և կանոնակարգերը, լիազորված պետական մարմնի հետ համաձայնեցնելով, հաստատում է կազմակերպության տնօրենը:

Կազմակերպության խորհրդակցական մարմինների որոշումները իրականացվում են կազմակերպության տնօրենի հրամաններով:

VI. Կազմակերպության վերակազմակերպումը և լուծումը

41. Կազմակերպությունը կարող է վերակազմակերպել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

42. Կազմակերպությունը դատական կարգով կարող է վերակազմակերպվել օրենքով սահմանված դեպքերում և կարգով:

43. Կազմակերպության լուծմամբ նրա գործունեությունը դադարում է առանց իրավունքները և պարտականությունները իրավահաջորդության կարգով այլ անձանց անցնելու:

44. Կազմակերպությունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

Կազմակերպությունը կարող է լուծարվել նաև սնանկության հետևանքով:

45. Կազմակերպությունը դատական կարգով կարող է լուծարվել միայն օրենքով սահմանված դեպքերում և կարգով:

46. Կազմակերպության լուծարման դեպքում կազմակերպության պարտատերերի պահանջները բավարարելուց հետո մնացած գույքն ուղղվում է պետական բյուջե:

VII Սույն կանոնադրությունը կամ դրա փոփոխությունները հաստատում է՝ ՎԱՅՈՑ ՉՈՐԻ ՄԱՐԶՊԵՏՈՒ



Գաղտնագրությունը բաշխարհ է

8 (տր) 52/4

Նշեցնանք Վ/Բ. ԿԵՄ

Շ. Գրիգորյան.